

皇清經解續編

皇清經解彙編

皇清經解續編卷千百七十三

南菁書院

詩經四家異文攷三

侯官陳喬樞樸園著

小雅鹿鳴之什

案禮記學記云宵雅肄三官其始也鄭君注云宵之言小也習小雅之三謂鹿鳴四牡皇皇者華也然則宵雅亦小雅之異文矣

攸攸鹿鳴 玉篇口部詩云呦呦鹿鳴呦亦作攸

案說文呦鹿聲也或作攸集韻云攸或省作攸

食野之萍 藝文類聚九十五詩曰呦呦鹿鳴食野之萍

案毛傳苹萍也釋文云萍本又作萍攷玉篇萍字同萍集韻萍字又與苹同是苹萍古相通假

吹笙鼓篳 白帖六十二詩曰吹笙鼓篳

案詩作吹笙鼓簧此引作篳字聲之誤也

賓我周行 毛詩箋示當作賓賓置也周行周之列位也

案釋文云示毛如字鄭作賓行毛如字鄭胡郎反正義云
示賓聲相近故誤爲示也詳見鄭箋改字說

示民不佻 毛詩箋視古示字也正義曰昭十年左傳引此詩
服虔亦云示民不愉薄是也

案左傳引詩視民不佻正義云視如字詩作示賈所云詩
蓋三家今文也詳見鄭箋改字說

示民不偷 張衡東京賦示民不偷

案平子所據魯詩之文也毛傳佻愉也正義引定本愉字

作偷忼偷古今文之異說詳魯詩攷

視民不佻 說文人部佻偷也从人兆聲詩曰視民不佻

案玉篇人部引詩文同毛詩忼字乃佻之假借耳

君子是則是效 左氏昭七年傳詩曰君子是則是效

蔡邕郭有道碑是則是效

案徐幹中論及家語正論解引詩倣並作效

嘉賓式讌以樂 列女傳一詩曰我有旨酒嘉賓式讌以樂

案趙坦以此爲三家之異文喬樅謂此詩徐幹中論引亦

作以敖是三家文與毛同下章云以燕樂嘉賓之心此章

若作嘉賓式讌以樂則兩章詞複矣疑子政本引南有嘉

魚之詩故云言尊賢也我有旨酒當作君子有酒轉寫者

誤耳

嘉賓式宴以敖 徐幹中論藝紀篇詩曰我有旨酒嘉賓式宴以敖此禮樂之所貴也

案文選注二十引毛詩式燕亦作宴字

和樂且耽 毛詩釋文湛字又作耽

案湛者堪之古文假借字說文堪樂也湛與耽同見廣韻耽字亦耽之假借釋詁耽樂也耽堪字同

四牡

駟牡駢駢 儀禮既夕禮賈疏詩曰駟牡駢駢

周道委遲 毛詩釋文倭本作委

案顧廣圻云于旄正義引異義周道委遲十行本如此今

本誤倭此不然也說文人部倭順也从人委聲詩曰周道倭遲許所傳詩毛氏古文也異義引詩亦傳毛說當作倭

字爲正

周道倭夷 毛詩釋文倭遲韓詩作倭夷

文選注十八韓詩曰周道倭夷

嵇叔夜琴賦

周道威夷 文選注十韓詩曰周道威夷薛君曰威夷險也

潘安

仁西征賦

案文選注二十

金谷集詩

又廿一

秋胡詩

又五十六

陸倕石闕銘

引韓

詩文同又卷十一孫綽天台山賦云路威夷而修通注引

韓詩曰道威夷者也惟琴賦注引韓詩作倭夷疑轉寫之

誤嵇康賦云臨迴江之威夷注引韓詩以證威夷二字尤

不當作倭此與卷廿七顏延年北使洛詩威遲良馬煩注
引韓詩作周道倭遲其爲轉寫致誤並同也毛詩釋文載
韓詩作倭夷倭字疑亦涉上文毛詩而誤說詳韓詩攷

周道郁夷 漢書地理志詩周道郁夷

案班志右扶風郁夷下引詩如此師古注云小雅四牡之
詩曰周道倭遲韓詩作郁夷韓字是齊之誤地理志皆據
齊詩如引齊詩子之營兮及自杜沮漆其明證也說詳齊
詩攷

周道逶遲 藝文類聚五十二毛詩曰周道逶遲

案文選五十七謝莊宋宣貴妃誄白帖三十五太平御覽
一百九十五又七十七引詩並作逶遲

疹疹駱馬

說文疒部疹馬病也从疒多聲詩曰疹疹駱馬

案說文口部嘽下云喘息也引詩嘽嘽駱馬爲證此許君兼採毛氏及三家今文也玉篇疒部疹下引詩同九經字樣云疹馬病也今詩作嘽說詳魯詩攷

驪驪駱馬

漢書敘傳集注詩曰驪驪駱馬

案常武詩王旅嘽嘽班固敘傳作王師驪驪則驪驪卽嘽嘽之異文師古集注蓋襲用舊注之語

不皇啓處 左氏襄廿九年傳詩云王事靡盬不皇啓處正義曰釋言云皇暇也李巡曰皇閒暇也

案此據唐石經及宋淳化本也今左傳本仍作遑字攷爾雅釋文皇音皇不遑或作皇通作皇是爾雅皇暇本亦有

皇清糾角糾糾
作皇者故左傳正義所引釋言及李巡注皆爲皇字

不隍啓處 爾雅釋言隍暇也郭璞注詩曰不隍啓處

翩翩者佳 毛詩釋文雛本又作佳

案左傳昭十九年正義引正作佳字爾雅佳其鳩鵲釋文云佳如字旁或加鳥非也段玉裁曰釋文誤也說文鳥部雛祝鳩也从鳥佳聲祝鳩卽爾雅雛其鳩鵲之鳥

說文繫傳佳部錯曰佳鳥名也詩曰翩翩者佳佳爲鳥短尾亦總名也

駕彼駟牡

文選注廿三

阮嗣宗詠懷詩

毛詩曰駕彼駟牡載驟駸駸

載驟駸駸

說文馬部駸馬行疾也从馬侵省聲詩曰載驟駸駸

駸

將母來諗 毛詩釋文諗音審毛念也鄭告也

案正義引左傳辛伯諗周桓公是以言告周桓公此詩是用作歌將母來諗猶君子作歌維以告哀也

皇皇者華

於彼原隰 儀禮鄉飲酒賁疏詩曰皇皇者華於彼原隰

案毛詩於作于

莘莘征夫 韓詩外傳七詩曰莘莘征夫每懷靡及

案此據王氏詩攷所載也今本外傳引詩作征夫捷捷每懷靡及則在大雅蒸民矣今本誤也

列女傳二周詩曰莘莘征夫每懷靡及

案說苑奉使篇引詩同又國語晉語四及說文引詩並作

莘莘文與毛詩駢駢異

佚佚征夫 楚詞注九佚佚行聲也詩曰佚佚征夫

案玉篇人部佚下云往來佚佚行聲詩曰佚佚征夫也與叔師引詩文同皆據魯詩也廣韻十九臻佚字引詩亦作佚佚蓋卽本於玉篇

我馬唯驕 說文馬部馬高六尺爲驕从馬喬聲詩曰我馬唯驕一曰野馬

案毛詩釋文維駒音俱本亦作驕段玉裁曰驕與駒字迥別此詩與株林漢廣皆當作驕俗人多改作駒者以駒與萋株濡誼爲韻驕則非韻抑知驕其本字音在二部於四部合韻豈必易字就韻而乖義乎據說文可以訂詩譌字

周爰諮諏 毛詩釋文咨本亦作諮

案說文繫傳諏下錯引詩曰周爰諮諏作諮字

我馬唯騏 淮南脩務訓詩云我馬唯騏六轡如絲

六轡若絲 墨子尙同篇詩曰六轡若絲

周爰諮謨 淮南脩務訓詩云載馳載驅周爰諮謨

案此魯詩之文也毛詩作咨謀謀謨一聲之轉尙書謨明
彌諧史記夏本紀作謀明爾雅釋詁謨謀也

常棣

夫移之華萼不煒煒 韓詩序曰夫移燕兄弟也閔管蔡之失

道也夫移之華萼不煒煒凡今之人莫如兄弟

案藝文類聚八十九引韓詩與呂氏讀詩記所載文同攷

爾雅釋木唐棣栻郭注云江東呼夫栻文選甘泉賦注引
爾雅正作棠棣栻煒煒蓋鞞鞞之假借

棠棣之華萼不鞞鞞 蔡邕姜伯淮碑有棠棣之華萼鞞之度
又彈棊賦萼不鞞鞞

說文華部鞞鞞盛也从華韋聲詩曰萼不鞞鞞

案叔重引詩與伯喈合皆據魯詩也毛詩棠作常萼作鄂
藝文類聚廿一文選注五十七引詩並作棠棣之華萼不
鞞鞞又初學記十七文選注廿五太平御覽四百十六五
百十四亦引作棠棣又宋書謝靈運傳注白帖十九文選
注十九亦引作萼不惟文選注廿五太平御覽四百十六
五百十四引詩鞞鞞作鞞鞞疑鞞字卽鞞字之譌

萼芼萼萼

說文繫傳芼華盛从艸不聲錯以爲慎意以此爲

棠棣之華萼芼萼萼之芼也

鄂跗韡韡

毛詩箋不當作跗跗鄂足也古聲不跗同

案陸本鄭箋作鄂拊釋文云拊字亦作跗戴震曰鄂不今

字爲萼跗國語韡韡之跗注雜問志作不注此跗通用不

之明證詳見鄭箋改字說

死喪之戚

晉書夏侯湛昆弟誥死喪之戚兄弟孔懷

案傳咸集奏彈司隸荀愷文亦作死喪之戚兄弟孔懷白

帖十九引詩戚字作感皆與毛詩字異蓋據三家詩之文

原隰揆矣

爾雅釋詁揆聚也郭注詩曰原隰揆矣

說文手部揆引堅也从手揆聲詩曰原隰揆矣

繫傳本

案爾雅釋文哀古作褻下同字本或作揅喬樞謂作揅者是也景純襲舊注魯詩之文與說文傳詩合玉篇揅下引說文作引聚也詩曰原隰揅矣揅亦作哀

原隰褻矣

太平御覽五百十四詩曰原隰褻矣

卽令在原

鷺鵒在原

毛詩釋文脊亦作卽又作鷺皆同令

本亦作鵒同

鷺鵒在原

左氏昭七年傳詩曰鷺鵒在原兄弟急難

鵒鵒在原

初學記十七毛詩曰鵒鵒在原

案文選注四十七白帖六又十九太平御覽五十七又五

百十四又九百廿五引詩並作鵒鵒

兄也永嘆

毛詩釋文况或作兄非也

案唐石經初刻作况後改兄段玉裁曰此與桑柔召閔及
今文尚書毋兄曰則兄曰正同作兄是作况非

兄弟鬩于廝 毛詩釋文牆本亦作廝

兄弟鬩牆 漢書七十九注鄧展曰赫音兄弟鬩牆之鬩

外禦其務 毛詩正義定本經御作禦訓爲禁崔集注亦然俗
本以傳爲御禦爾雅無訓俗本誤也

案今毛詩作禦從定本也段玉裁曰毛詩御禦務侮也本
國語爾雅各本誤衍箋云非也定本改御禦爲禦禁不知
御禁見於谷風矣正義疑爾雅有禦禁而無御禁不知御
禦禁三字互訓也

外禦其侮 爾雅釋詁務侮也郭注詩曰外禦其侮